

**საბანმიდური ტიპიკონის იერუსალიმური ნუსხა –
Jer. Geo. 150**

საბანმიდური ტიპიკონის ტექსტის შემცველი ხელნაწერები დაცულია როგორც საქართველოს (კ. კეკელიძის სახელობის საქართველოს ხელნაწერთა ეროვნულ ცენტრში – H-1349 (შიომღვიმის), H-714, A-186ა, A-187ბ, A-647, A-686, A-1021, A-1348, A-1351, A-1353, A-1360, A-1619, Q-56, Q-76, Q-104ა) ასევე უცხოეთის სიძველეთსაცავებში (სინის მთაზე Sin. O. Geo. 83 და იერუსალიმში).¹

იერუსალიმის მართლმადიდებელი საპატრიარქოს ბიბლიოთეკაში დაცულ ქართულ ხელნაწერთა შორის საბანმიდური ტიპიკონის 2 ნუსხა ინახება – Jer. Geo. 146 და Jer. Geo. 150. წინამდებარე სტატიაში საუბარი ამ უკანასკნელზე გვექნება.

Jer. Geo. 150 ხელნაწერში (XIII-XIV სს.) დღეისათვის 145 ფურცელია. უკანა საცავი ფურცლის r-ზე მკრთალად ჩანს მოსამზადებელი ნახატის დონეზე შესრულებული შარავანდედიანი გამოსახულება. აკლია პირველი ორი რვეული. ინყება მე-4 რვეულით. მე-3 რვეული (17r-24v) ხელნაწერში შეცდომით მე-5 რვეულის შემდეგ არის მოთავსებული. ტიპიკონის რვეულებრივი შედგენილობა შემდეგია:

III – 8 ფ. 17r-24v.	XI – 8 ფ. 65r-72v.	XVIII – 8 ფ. 121r-128v.
IV – 8 ფ. 1r-8v.	XII – 8 ფ. 73r-80v.	XIX – 8 ფ. 129r-136v.
V – 8 ფ. 9r-16v.	XIII – 8 ფ. 81r-88v.	XX – 6 ფ. 137r-142v (აკლია 2
VI – 8 ფ. 25r-32v.	XIV – 8 ფ. 89r-96v.	ფურცელი, 137-სა და 138-ს,
VII – 8 ფ. 33r-40v.	XV – 8 ფ. 97r-104v.	ასევე 141-ს და 142-ს (შორის)
VIII – 8 ფ. 41r-48v.	XVI – 8 ფ. 105r-112v.	XXI – 3 ფ. 143r-145v.
IX – 8 ფ. 49r-56v.	XVII – 8 ფ. 113r-120v.	
X – 8 ფ. 57r-64v.		

ხელნაწერის ფურცელთა დანომვრისას ალაგ-ალაგ დაშვებულია შეცდომები, რაც შემდეგ მიკროფილმირებისას გასწორებულია.

Jer. Geo. 150 ხელნაწერის ტექსტი ძირითადად თანხვედრაშია Sin. O. Geo. 83 ტექსტთან.² ჩვენს საკვლევ ხელნაწერში ყოველთა წმიდათა კვირიაკის

¹ საბანმიდური ტიპიკონის ტექსტი იხ: ტიპიკონი შიომღვიმის მონასტრისა, გვ. 13-197.


² Sin. O. Geo. 83-ისა და შიომღვიმის ტიპიკონის (H-1349) ურთიერთმიმართების შესახებ იხ. ჭანკიევი, საბანმიდური ტიპიკონის ერთი სინური ნუსხის შესახებ, გვ. 127-131.

განგება ბოლონაკლულია, რადგან დღევანდელი პაგინაციის 141-ე და 142-ე ფურცლებს შორის აკლია ერთი ფურცელი. 142-ე ფურცელზე იწყება მთელი წლის შაბათთა განგების („განგება შაბათთა ყოვლისა წელიწადისათა“) თავ-ნაკლული ტექსტი (142r-143v).

ხელნაწერზე მრავლად ვხვდებით მინაწერებს. ისინი ორ ჯგუფად შეიძლება დაგყოთ:

1. მინაწერები, რომლებიც ტიპიკონურ მითითებებს წარმოადგენს: 17v (ძვ. პაგ.), 29v (ძვ. პაგ.), 42r, 44r-v, 87r, 88v, 91v, 111r, 114r, 115v, 124v, 131v.


მაგალითად: 7v (სურ. 1).



„შეისწავე ფ(რია)დ მ(ა)რხვ(ა)თა ქ(რისტ)ეშობისათა ა(ლე)ლ(უა)დ იდ. ესრ(ე)თ არს, შე|უ|ცთ(ო)მელ(ა)დ ესრეთ უნდა.“


2. მოსახსენებლები, რომელთა უმრავლესობა თევდორე (თევდა) დილ-მელს ეკუთვნის:

132r (სურ. 2).




„ს(რულია)დ ც(ოდვილსა) თე(ვდორე)ს და მშ(ო)ბ(ე)ლთა მისთა შ(ეუნდვე)ნ ღ(მერთმა)ნ | ვინცა თქ(უა)ს შ(ეუნდვე)ნ ღ(მერთმა)ნ“.

86v (სურ. 3).



„ც(ო)დვილ(ი)სა თე(ვდორე)ს(ა)თ(კ)ს ვინცა შ(ე)ნ(დო)ბ(ა)ვ თქ(უა)ს, შ(ეუნდვე)ნ უ(ფალო) ღ(მერთ)ო“.

105r (სურ. 4).



„თე(ვდორე)ს ბერსა და მშ(ო)ბ(ე)ლთა მისთა | შე(უნდვე)ნ უ(ფალო) ღ(მერთ)ო“.

თევდას ხელით შესრულებული მსგავსი მინაწერები ხელნაწერს სხვადასხვა გვერდზე მრავლად ახლავს.

თევდა დილმელი იერუსალიმის ქართული კოლონიის ცნობილი მოღვა-ნეა.¹ მან XIV საუკუნის დასაწყისში იერუსალიმში საქართველოდან არაერთი ხელნაწერი ჩაიტანა და უფლის საფლავის ტაძარში მოღვანე ქართველ ბერებს გადასცა. დღეისათვის მისი მოგებული და გადაწერილი ხელნაწერები და მა-თი ფრაგმენტები საკუთრივ იერუსალიმის მართლმადიდებელი საპატრიარ-ქოს ბიბლიოთეკის გარდა დაცულია როგორც ავსტრიაში, ვენის ნაციონალურ ბიბლიოთეკაში (Ven. Geo. №2), დიდ ბრიტანეთში, კემბრიჯის უნივერსიტეტის ბიბლიოთეკაში (Georgian Ms. 9 / MS. add. 1890.6.) ასევე კერძო კოლექციაში.


Jer. Geo. 150 ხელნაწერის 144r-145v გვერდებზე, იქ სადაც დიდი პარას-კევის განგებაა, ტექსტის ბოლოს, 145v-ს შუა ნაწილში, გადამწერის ხელით შესრულებულია შემდეგი მინაწერი: „ს(რულია)დ ც(ოდვილსა) თე(ვდორე)ს და მშ(ო)ბ(ე)ლთ მისთა შ(ეუნდვე)ნ ღ(მერთმა)ნ ვინცა | თქ(უა)ს შ(ეუნდვე)ნ ღ(მერთმა)ნ“. როგორც ამ კონკრეტული მინაწერის, ასევე ამ და სხვა ხელნა-

¹ თევდას და მისი მოგებული ხელნაწერების შესახებ იხ: კეკელია, ქართველები უფ-ლის საფლავზე, გვ. 239-243.

წერებზე არსებული თევდას მრავალრიცხოვანი მინაწერების შედარება ძირი-თადი ტექსტის კალიგრაფიასთან და თევდას სხვა ავტოგრაფულ ნუსხებთან გვაძლევს საფუძველს, რომ Jer. Geo. 150 ხელნაწერის მომგებელ-გადამწერად თევდა დიღმელი მივიჩნიოთ. 145v გვერდის დანარჩენი ნაწილის თავდაპირ-ველი ტექსტი წაშლილია და ზედ სხვა ხელით გადაწერილია განსხვავებული ტექსტი. ფოტოს ცუდი ხარისხის გამო აღნიშნული ტექსტის ბოლომდე გარჩევა ამ ეტაპზე ვერ მოხერხდა, თუმცა ტექსტის ფრაგმენტულად ამოკითხვის სა-ფუძველზე შეიძლება დავასკვნათ, რომ გვიანდელი ტექსტი აღდგომის მოწესე მახარებელს ეკუთვნის, რომლის მოსახსენებელსაც ხელნაწერის 143r-ზე ვხვდე-ბით: „ცოდვილსა ა(ლ)დგომელს მ(ა)ხ(ა)რ(ე)ბ(ე)ლს შ(ე)უნდვე)ნ ღ(მერთმა)ნ“.

თევდას მინაწერებიდან განსაკუთრებულ ინტერესს იწვევს ორი მათგა-ნი, რომელიც საინტერესო შტრიხებს მატებს ამ ცნობილი მოღვაწის ბიოგ-რაფიას. პირველი მინაწერის შემთხვევაში დგინდება თევდას მასწავლებლის ვინაობა. კოლოფონში ვკითხულობთ:


113r (სურ. 5).



„თევდორეს და მისსა გ(ა)მზრდელსა ბ(ა)სილსა არმა | ზელსა შე(უნდვე)ნ უ(ფალო) ღ(მერთ)ო“.

მეორე მინაწერი კი გვიჩვენებს, რომ თავად თევდასაც ჰყავდა მოწაფეები და მისი საქმის გამგრძლებლები.

143r (სურ. 6).



„ცოდვილსა თევდორეს და ყოველთა დამ(ო)ნ(ა)ფ(ე)ბ(უ)ლთა | მისთა შე(უნდვე)ნ უ(ფალო) ღ(მერთ)ო“.

ამრიგად საბანმიდური ტიპიკონის ჩვენთვის საინტერესო იერუსალიმური ნუსხა თევდა დიღმელის სახელს უკავშირდება, მინაწერებით კი ირკვევა, რომ მისი აღმზრდელი ბასილ არმაზელი ყოფილა, რაც თავის მხრივ თევდას აღმოსავლეთ საქართველოდან წარმომავლობას ადასტურებს. ის გარემოება, რომ თევდას იერუსალიმში მონაფეები ჰყოლია, მას, იერუსალიმის ქართული კოლონის გამოჩენილ მოღვაწეთა რიგში აყენებს.

დამოწმებული წყაროები და ლიტერატურა

Jer. Geo. 150 – Jer. Geo. 150, იერუსალიმის მართლმადიდებელი საპატრიარქოს ბიბლიოთეკის ქართული ხელნაწერი კოლექცია: აშშ კონგრესის ბიბლიოთეკის ციფრული კოლექცია. <https://www.loc.gov/resource/amedmonastery.00271073367-jo/?sp=3&st=gallery>

ტიპიკონი შიომღვიმის მონასტრისა – ტიპიკონი შიომღვიმის მონასტრისა, XIII საუკუნის ხელნაწერის ტექსტი გამოსაცემად მოამზადეს ე. კოჭლაშვილმა და ე. გიუნაშვილმა, თბილისი, 2005.

კეკელია, ქართველები უფლის საფლავზე – კეკელია ვ., ქართველები უფლის საფლავზე სამი იერუსალიმური ხელნაწერის კოლოფონების მიხედვით (XIV საუკუნე), ივიზ, X-XI, 2010/2011, გვ. 239-243.

ჭანკიევი, საბანმიდური ტიპიკონის ერთი სინური ნუსხის შესახებ – ჭანკიევი ც., საბანმიდური ტიპიკონის ერთი სინური ნუსხის შესახებ, მაცნე, ელს, 1976, №4, გვ. 127-131.

The Jerusalem Manuscript of the Holy Typicon – Jer. Geo. 150

Summary

The article discusses the Georgian manuscript preserved at the library of the Greek Orthodox Patriarchate of Jerusalem – Jer. Geo. 150. We have described and studied the colophons kept in this manuscript.

We find many inscriptions on the manuscript. They can be divided into two groups: 1. Liturgical comments and 2. Commemorations.

It was determined that the MS Jer. Geo. 150 is related to the well-known Georgian scribe of the 13th-14th cc. Tevda Dighmeli.

At the beginning of the 14th century, Tevda brought several manuscripts from Georgia to Jerusalem and handed them to Georgian monks who served in the Church of the Holy Sepulcher. Nowadays in addition to the library of the Orthodox Patriarchate of Jerusalem itself, the manuscripts and manuscript fragments he donated or copied are stored both in Austria at the Vienna National Library (Ven. Geo. No. 2), in the UK, at the library of the Cambridge University (Georgian Ms. 9 / MS. add. 1890.6.) and other one in a private collection. Of particular interest are two colophons of Tevda, which have some special details interesting for the biography of this famous figure.

Inscriptions of the manuscript reveal that the teacher and spiritual father of Tevda was Basil from Armazi, which in turn confirms Tevda's Eastern Georgian origin. Moreover, the colophon demonstrates that Tevda had his own disciples and followers in Jerusalem, which makes him one of the outstanding figures of the Georgian community of Jerusalem.

ილუსტრაციები / Illustrations:

Jer. Geo. 150 ხელნაწერის კოლოფონები – სურ. 1-6.
Colophons of Ms. Jer. Geo. 150 – Fig. 1-6.